

四庫全書

集部

欽定四庫全書

集部

御製詩二集卷十七

詳校官尚書臣德保

助教臣常循覆勘

總校官原任中允臣王燕緒

校對官助教臣蔡鎮

謄錄監生臣胡曉春

欽定四庫全書

御製詩二集卷十七

古今體六十三首

庚午四

題黃公望烟樹溪亭小幅

日日身在畫中行何用行勝攜畫卷以畫證境妙趣多
此中會心良不淺小幅周方不逾尺縱目頓有千里遠
滌瀹經營素所工豈是造物傳粉本溪亭四柱俯清流
背樹稍露橫雲嶽晴烟浩蕩望無涯橋邊村墅依稀辨

山環水抱別一天勝處卜居真復善悅心亭前波映心

端村行宮前有亭曰悅心

招提寺側峯來眼

三箭山側有招提寺

到底還輸畫

裏兼大癡首肯吾精辯

二月晦日作

大堤曉踏綠楊烟仲月蟾光又隱天九十韶華過六十
今年旅況憶前年鳴鳩乳燕各相惜弱柳繁桃俱可憐
賸得餘閒歸品判春郊輪日有詩篇

行藥

高下因心難燭枝展收到處紙窓宜金釭落帶奢懲昔
檀室支床便在茲春夕秋宵常與共關中塞外不相離
火傳即此叅無盡夜夜舍花照構思

迴鑒

臺麓祝釐雖素志淀池試獵偶乘閒此行正務因河道
兩日詳觀歷柳灣無作聰明隨水性惟懷惻隱墮民艱
駢駢四牡催歸轡南苑春光指顧間

跋馬

佳節過清明郊原跋馬行連村多綠樹貼水見紅英秋
廩猶高積春田已遍耕熙熙來老幼道左踦相迎

南塢

里名南塢喜清幽衍沃相宜種植稠入畫渾如對花縣
停鞭為惜度官郵紙鳶一綫風光美杏酪數錢節物酬
到處閭閻安樂利今來差不負春遊

三月朔日

春暮之初景更和三分已是二分過雖然暇日不教棄

未免新詩太覺多
點染花光紅蓄眼
薦綿草色綠封坡
芳辰上巳臨修禊
擬訪蘭亭愧玩鶯

南紅門外

輕烟澹澹低村樹
平原迤邐青春曙
閱河事罷命迴鑾
南苑經臨茲取路
菜畦花圃帶郊坰
物土耕桑随意度
民風墟里宛在憶
是我少年行樂處
耳後生風逐狡兔
彎弓向雲落孤鶩
而今珍重久不為
饒有先憂勝於故

詠盆中溫牡丹

速較清和遲較臘

臘月亦有牡丹故云

圃師剪拂競天工誰云春

色讓凡卉早見花王綻惠風綠鮮鋪盆欣映朶黃蜂隔

戶訝迷叢會看穠麗堂堂過下策何須更火攻

南紅門行宮晚坐

別館暫閒居春巡返轡初重教坐芸室頗似勝羶廬
鏡吹雲韶競盆花錦繡如那忘前歲況秉燭治軍書

德壽寺六韻

精藍禮法王取便憇禪房壁認前巡句爐焚今日香隔

林飄靜籟滿院貯韶光
座愛芬春蕙庭將綻
海棠重來法雲處却憶
少年場妙諦當機示何
須論幻常

丁觀鵬九成宮圖

參差宮殿倚崢嶸
風落雲中度曲聲
傍檻醴泉誰作頌
依稀猶記魏元成

避暑當年作勝遊
紫絲步障外人留
文皇詎是忘溫清
婉諫隨教進馬周

上巳日作

良辰南苑暢登臨
婉婉青春即漸深
蛾月一痕剛掛漢
鶯時幾樹欲籠陰
悅懷詩境無邊富
蓄眼韶光底用尋
獵罷欣飛陳馬技

是日偶觀內府羽林立馬伎

聊徵故事射華林

饅榆錢餅

湯官十字不須誇
榆莢登盤脆熨牙
未必八珍輸此味
要將風物識農家

蔭榆書屋

三間白屋綠雲天
棐几閒憑讀舊編
內聖外王均憫若

尋章摘句尚依然鳴因風至常聞籟買得春歸漫費錢
一瞬紙窻朱鳥度分陰怪底惜前賢

微雨

夜來淅淅濃雲布旋報霏微落甘澍北方春雨殊艱致
總不慮多少是慮頻疊方欣被霑潤終風乍聽號古樹
從未徬徨望澤虛終惜蓬勃驅雲去豈緣邇來太順時
使予戒滿慎侯度

謁元靈宮

澹蕩暮春天迎門花欲然
蕭臺萬靈列玉陛兩成圓
籟奏虛無韻香凝縹緲煙
仰瞻昭監切非是為求仙

見耕者

好雨讓風晴真教可惜生
清晨排獵騎沃土見春耕
犁起新泥潤布來嘉種盈
田功時尚早稍以慰吾情

闕虎駢惜辭

我之十駿皆權奇昔紀詩
歌並圖取就中巨擘乃有三
萬吉驕霹靂驤及闕虎駢
曰驕曰驤早物化惟汝駢存

鎮天圍向資汝力効騰蹕那教於菟薈林莽邇來齒長
宜就閒英氣軒軒壓羣馬叶不必受鞍宛相識昂藏似
欲迎人語心有餘兮力不足使我不忍頻顧汝太僕芻
秣歲有費筋埋肉脹多難數信惟駢也不虛糜左氏有
言相譬舉令雖老矣無能為猶退秦師燭之武

春曉

庭柯鳴曙禽窻櫺散晨景晏眠夙所戒平旦氣方靜春
衣暫倚楹花乳欣澆茗停蹕匪豫遊勤政同宮省借問

奏書囊幾多待批省

獵

青郊小隊試春蒐
弓燥由来趁手柔
拂柳乍教輕騎過
射雉宛憶少年遊
五旗不易都隨指
三網嫌多漫槩收
講武詰戎自

家法還因孽育閔虔劉

夜雨

昨夜細雨霏旋被風驅
遣入夕吹萬停又報輕雲展歌

枕聽燈牕廣纖績復斷無何風又作不覺愁展轉麥苗
一律青脈土滋墳衍不雨儘可待底便憂懷緬而予亦
有慮今春滌澤宣膏澍需益佳綏豐豈謝腴設其稍愆
期良恐虛望滿患失我尚然因悟人豈免

北紅門外即景

北紅門外曉迴鑾雨後春郊料峭寒五鳳樓高直北望
居庸遙列玉為巒

青年撲隴蔚蓬蔥微雪侵晨一律融却憶龍沙宣郡外

幾多毳帳怨春風

蒙古以游牧為生春雪風作牛羊多凍斃故畏之甚於冬日南北風土不

齊有如
此者

夜聞風盛愁無寐曉見雪消喜動容豈是喜愁太無定

都來念裡為三農

別奉

慈輿旋保陽

命識親王率法從自保定侍
后進宮以減從紆道欲視永定河工

紆

途永定閱隄防將旬萱祀疏溫清此日詢

安謁壽康

耕藉日擬禾詞

藉田耕罷得禾詞
不是楊枝及竹枝
前日東風送微雨
今朝南畝喜新滋

綵綴蘆棚獵惠風
載耕帝藉祝年豐
紺轅黛耜非繁飾
黻冕由來致美同

觀耕臺上日華明
次第三王及九卿
自是劬農無貴賤
得教田父笑相迎

亥日惟柔早吉蠲
駸駸六轡及時旋
河陽才子曾為賦

不重摘華重課田

春郊飽看新耕遍

今年西巡有見
新耕者之作

此日親推耒或遲都

為今年膏澤普勤劬舉趾率先時

董邦達春水泛舟圖

泛漾春波淨拍浮一篙含碧恰勝舟溯洄梅塢閒招鶴
容與蘆汀可狎鷗錦里詩情天上坐山陰畫意鏡中遊
柳邊不繫清陰嫩興在風行及水流

御門

明庭靄曙色宵衣戒晏朝恭已勅庶幾疇咨覲百僚際
和轉憂盛知近詎達遙察察匪為明熙熙或致驕惠民
詔屢逮母乃屯其膏求賢念輒厪或則虛名要孜孜敢
怠荒目萬思亦焦所希萬方逸遑惜一已勞

暮春瀛臺泛舟

遊龍振舵鏡中天太液春光劇可憐綠柳紅橋原恰當
落花流水自便娟圖書左右怡情久翡翠蘭苕浴浪鮮
活潑潑真無盡藏化機豈待悟魚鳶

題羲之玩鵞玉器

上刻予縮
臨快雪帖

為書道德籠鵞返便草時晴作美談却似一籌羸楸帖
縮成玉枕自河南

絳雪軒海棠

丹砂煉就笑顏微開處春巡恰乍歸暇日高軒成小立
東風絳雪未酣霏評香花國休嫌細選色唐宮不礙肥
料量韶光思護惜珠簾四面巧成圍

是日
微雨

雨

三月十
二日

今年春澤優麥肥耕不悞昨近恒作風踟躇屋憂慮田
功原可待何必苦欲速^叶擬以此自寬切切懷轉遽譬
之既得者患失乃更篤^叶觀過可知仁吾過人其恕朝
來佈密雲卓午霏甘酎冥濛勢方綿淅瀝聲已注潤砌
土舍香灑欄花沐霧所樂不存焉心寬為農務青郊雨
知時頻歲幸兩遇何修而致茲戒滿彌懷懼

錢維城疊嶂飛流

飛流擘山落每與山爭雄蓄極發故盛澎湃噴長空英

英吐白雲還似從銀龍

暮春奉

皇太后駐蹕御園之作

西巡弭節三旬返南耜乘時千畝耕正喜熙春饒豔裔
得迎

慈馭駐圓明朝烟已傍山村泮宿雨應催苑卉榮今歲
田功真慶幸承歡

聖母倍怡情

泛舟過萬壽寺即景雜詠

溪路高梁

橋名

一漾舟來牟夾岼綠盈疇雲容水態不相

厭畫意詩情分與投

靜坐閭閻俯碧溪布帆無恙度禪關山僧候駕遙相望
孰是忽忽孰是閒

小叅白業記前遭風利今朝穩送艘松栢假山應好在
待予長夏聽寒濤

閒置亭臺種柳株欲將勝槩擬西湖好春應為同民樂

能樂伊誰白與蘇

麥莊橋

石橋過麥莊麥色綠生香含露盈盈態濛烟澹澹光進
舟驚驚翹問柳喜鶯簧西望香山近春雲却半藏

西海名之曰昆明湖而紀以詩

西海受水地歲久頗泥淤疏濬命將作內帑出餘儲乘
冬農務暇受值利貧夫歲事未兩月居然肖具區春禽
於以翔夏潦於以瀦昨從淀池來水圍徵澤虞此誠近

而便可習飲飛徒師古有前聞錫命昆明湖

雨後

雨後雲容猶澹沱風前春色已闌干更希優渥心尤切
亦為霑濡念稍寬先事漫云無定見撫時那是有餘歡
韶華覩眼及猶好羸得餘閒一倚欄

廣潤祠

昆明湖上舊有

龍神祠爰新葺之而名之曰廣潤云

靈祠俯碧津丹腹為重新雲氣生帷幄波光漾秧振舍
弘敷大澤時濟佑斯民夢雨昨飄瓦知時恰及春

鑑遠堂

祠旁建屋數宇開窗縱目一碧萬頃因題曰鑑遠
堂

湖上新居小駐驂開窓萬頃碧波涵雲容水態從頭會
秋月春風取次探詎事嬉遊忘炯戒擬將餘暇託清耽
雕甍不飾崇淳樸比似卑宮尚覺慙

月波樓

鑑遠堂之後為月波樓登樓則後湖之水在我几
席月夕湧金蕩漾隄影蒼茫幾不知為前後湖矣
因迥為樓號月波月波妙處會心多前湖水合後湖水
鏡裡娥分輪裡娥對影憑叅李白句駐暉誰藉魯陽戈
湧金聞說餘杭好擬待明春較若何

暢春園集鳳軒恭候

皇太后問安之作

熙春

翟輦奉遊觀
莅止趨迎敬問

安夾路新耕
曾志

喜滿園韶景
更承

歡風前花意輝
橫埭雨後雲容
晷遠巒析歲慰
餘追賞
樂暉暉遲日愛
頻看

暮春圓明園

初春啓駕暮春迴
花事猶然及勝
開烟重柳輕難
辨陌

月明李碧好登臺景醺蜂蝶迷芳埒潤逼園林絕點埃
到到山村閱耕耨東風又送雨絲來

皇長子薨逝誌悲

皇長子誕自青宮今年甫二十有三不幸薨逝既
追封親王厚飾終之典而父子至情傷痛不能已
已朕先抱端慧皇太子悼敏皇子之戚繼有

中宮之哀時命多舛今復邁此雖勉自抑制其何以
堪詩以誌悼

宵旰焦勞者那堪變故叢灰心臨素幔淚眼向東風將
老失長子前年別

正宮何憊頻命塞不敢問

蒼穹

皇長子輓詞

靈旂悠揚發引行舉輜人似太無情早知今日吾喪汝
嚴訓何須望汝成

三年未滿失三男

丁卯除夕喪悼敏皇七子巳巳六月
喪皇九子今庚午三月人喪皇長子

屈指未滿
三年云

况汝成丁書史耽見說在人猶致歎無端叢

已實何堪

書齋近隔一溪橫長杳雲窓佔畢聲痛絕春風飲馬去

真成今日送兒行

彌留之際奏朕云不能送皇父矣朕含淚告之吾今反送汝耳言猶在耳

痛何
如之

率吟遣悶

率吟遣悶豈成詩拙巧無心較速遲錦卉幸稀風作祟
針袂常護雨稱時今年深志東皇喜過日偏懷子夏悲

痛定定應知過痛自知過痛痛誰知

三多謠

天下多富者宜莫過為君夕惕復朝乾畏天而畏民詎
惟多事憂其憂難悉陳恣欲滿而溢斯乃致禍根人言
予無樂吾謂良苦辛

於今多壽者允惟丁臯保其年九十八尚自精神好乃
其妻先亡子亦數傷夭每與親故疎且慮來日少誰能
齊彭殤與究無生道

四十而九子予亦稱多男屈指兩年中忽乃亡其三我心非木石愴悽情何堪猶慮或過痛強抑悲轉含封人用祝堯故非堯所收

香山靜宜園散悶之作

欲尋佳處散愁思清蹕朝來駐靜宜花藥將開行入夏林泉小別動經時名山未覺春子樂至聖猶遭鯉也悲況復勤農頻望澤嗟予那易展雙眉

雨 三月二十四日

麥收三月雨農語有明徵前旬乍霑灑未覺優渥并昨
近每風作跼蹐日怵怵實緣三白佳被隴來年青餅餌
行可望愈覺意弗寧既得患失之人孰無此情晨來密
雲佈過午陣雨零度壑送輕寒落簷垂細聲此雨信知
時心慰同耕甿予來此散愁果因愁稍平知命故不憂
祈年無別營但願屢豐綏遭際惟所聽為國而忘家吾
比人言誠

雨

三月二
十八日

前朝好雨虞微少今日優霖慶渥霑愁是分當欣亦實
時惟所遇命難兼肯教傷子縈深抱且勵安民樂引恬
那更閒心惜春去綠臯水足看秧添

御製詩二集卷十七

欽定四庫全書

御製詩二集卷十八

古今體九十九首

庚午五

四月朔日進宮齋戒自昆明湖進舟至萬壽寺川
路曉烟未泮麥疇宿霧猶濃觸景成欣援毫得
句

雨後明湖激漲痕愛尋溪路遠塵喧馨香餅餌酬殷望
澄動川雲供靜存適為肅齋還內禁得教小憩駐祇園

金定四庫全書
卷十八
吾心憂喜因民託淨業塵緣總漫論

夏孟承光殿

圓殿號承光金源松檜蒼蹟陳宜賦詠路便每徜徉琴瑟含清徵璣衡協正陽前朝甘雨足與物樂時昌

雩祭齋居

龍見舉常雩為農祈雨澤匪故必躬親

穹壇奠蒼壁受福志敢希勤民心實劇自我肇

元祀率際望霖迫去年實厚幸今春足三白邇日每作

風炎燥虞傷麥

圓靈錫佳貺甘膏沛一夕餅餌香應期禾黍生皆勃
屈指數年中如茲曾幾值孰謂予過憂予憂未虛擲

董邦達西湖圖

昔傳西湖比西子但聞其名知其美夷光千古以上人
豈有真容遺後世叶未見顏色貴耳食浪以湖山相比
擬湖山有知應不受髯翁何以答吾語叶吁嗟吾因感
世道臧否雌黃率如此豈如即景寫西湖圖繪真形匪

近似歲惟二月巡燕晉留京結撰親承旨歸來長卷已
搆成儼置餘杭在隸几十景東西關竒列兩峰南北爭
雄峙晴光雨色無不宜推敲好句難窮是淀池水富惜
無山田盟山好詘於水喜其便近每命遊具美明湖輒
遐企北門學士家臨安少長六一烟霞裏既得其秀忘
其筌呼吸湖山傳神髓此圖豈獨五合妙絕妙真教拔
萃矣明年春月駐翠華親印證之究所以

夜雨口號

夜雨頻欣優澤多，顛風又慮妬滂沱。也知望歲心無足，自問經年樂幾何。

漢玉松石圖

一株與一拳，古玉成新製。雖乏珪璋材，不渝貞白意。

詣齋宮作

塵淨天達宿，雨過帝京景物寧。清和年來深識盈虛理，每對休徵謹畏多。

齋宮莅止近

崇壇黏壁前題歷歷看檢點流光真迅速補槐金井綠
陰團

爐烟結篆晝長時暫屏疇咨寄靜思差勝向年當此日
問雲卜雨未舒眉

雩祭禮成有述

雩祀躬修不敢康

靈壇登陟肅誠將燎烟晦靄連雲氣曙色侵尋朗燭光
式禮莫愆儀秩秩晞暘含潤露凜凜祈甘頻辛叨

嘉貺保泰心殷敬倍常

夏初瀛臺即目

敬舉

常雲藏事回仙壺咫尺暫徘徊花含宿雨迎雕輦樹張

去清陰覆曲臺水濶鳬依寧北去

鳬鴈以春候北嚮至塞外換羽育卵液池

水濶有留集於此者故特紀之

堂深燕賀定南來載賡錫宴傳佳話繪

壁流連幾住迴

丙寅秋八月賜宗室羣臣宴於惇叙涵元二殿聯句賦詩並命畫苑臣繪圖粘

於壁間以紀其盛

覺生寺

御園氣清蔚伴與適興居昨朝殷祀成詰旦命輶輿取
道奠靜安百感紛縈予節情駕言旋憩此刹靈圖塵情
常自縛禪悅久已踈誰能對此際矯意云如如前秋題
在壁孫楚悲已徂

前年孝賢皇后大故朕自御園往奠靜安莊亦每憩息此寺云

胡

為子夏痛茲日重遭諸調御能覺生未識生覺無昔媿
蒙莊子令慙東門吳

麥

郭外來牟綠被町改觀一雨信稱靈翠華
琴麗臨風度
餅餌香中試暫停

詣

暢春園

皇太后宮問安

西池勝槩藹清和的的金護玉砌多數日
齋居踈問寢
慈寧安適喜無過

陣雨

陣雨灑空風運之晴空幾縷紛珠絲多多益善方希澤
戚戚生愁又蹙眉祈歲念還憐我切慙農心豈冀人知
可參患失情殷處每在將然未定時

浴佛日漫作

浴佛佳辰梵帙傳玉欄金井藥香天每因此日思前日
信是欣緣釀戚緣纔喜雲籠芒欲濯又虞風孽絮如顛
紛來底識安心竟靜禮堂堂月相蓮

學圃

宜聖鄙學圃曾以戒昔賢而我以名亭其義何取焉園中
景宜備藝桑兼治田於茲課陰晴常切祈豐年坦臯得數
畝左右夾碧川松竹何必多榆柳徒相鮮爰命種菓樹行
看嘉實駢成此十年計況復灌溉便郭橐有名論惟以順
木天絜矩為政方夷考神農篇漾舟時經過豳風圖乃全
董邦達秋林烟岫小景

靜參畫意初無句得句原非畫外求漫步林扉尋別墅
請看泉箔落平流一天玉露八章景幾樹金風萬古秋

金少府公集卷十八
薄暮蒼然羣籟息只疑遠浦有歸舟

題耶律楚材墓

有序

墓在甕山好山園之東昔年營園時以其逼近園門故培土為山其上以藏之聞其為楚材之墓久矣使閱時而湮滅無傳豈所以褒賢勸忠之道哉因命所司仍其封域之制并為之建祠三間使有奠饋申酌之地并命汪由敦為碑記而題之詩如左

曜質潛靈總幻觀所嘉忠赤一心殫無和幸免稱冥漠
有墓還同封比干寔歟即仍非改卜堂基未沒為重完
搞文表德輝貞石臣則千秋定不刊

不樂

不樂情懷每愴神思量排遣轉頻頻惕乾不息無他諉
邂逅相仍有底因漸益年華知愛子常籌雨澤為勤民
閒開梵帙消繁慮却愧根難淨六塵

芍藥

娜娜別丰姿
馥馥香滿墀
餞春為後勁
延夏鎮清蕤
蝶引滕王畫
牛欺劉訓騎
通身無點墨
誰與號辛夷

輕陰

輕陰常靳雨
幽籟易延風
奈可當繁慮
而兼望小豐

麥收

田家謂之小豐
見范成大詩

連林鎖新綠
流水貼殘紅
屬詠吾常慣

今來興頗窮

題錢維城畫

有泉山自覺
生動不雨樹
猶常潤需的
是畫家能爾處

却因詩句顯為拈野田負郭看鱗次列嶂凌雲見玉尖
擬傍疎林茅屋下焚香趺坐讀華嚴

細雨

細雨每讓風時零時復止昨來看麥田膏澤殊需俟
芄縱被阡秀實難豫擬頻紫怵惕懷默驗盈虛理

董邦達楓林朝霽

綴林尚遲

去聲

吳江冷晃日從迴塞嶺春高士溪邊成小

立一天錦色入題新

過日

過日望雨意頗濃較量不與常年同常年自冬逮春夏
不雪不雨愁益隆去冬三白澤早被春霖優渥亦屢逢
比來日日霏細點每當欲沛驅以風譬諸未得奚患失
於將得者患乃叢揆之人情率如是我憂亦在人情中
豈我春月太適意或示之戒令忡忡我則宜矣民何辜
餅香近口奪腹充東郊十日縱可待南薰五絃望莫窮
往清河莫超勇襄親王固倫額駙策楞

靈輿肅肅駐河濱歸殯佳城別塞雲即此始終懷大義

額駙在日曾奏聞

皇考廟於身歿後仍歸京邸合

葬大長公主園寢令其子奏請朕既允奏并命一切喪儀皆如宗室親王

之例官為經理云

果然卓犖軼前聞中年自是傷哀樂

此日何堪哭戚勲見說漢陸將發引猶教血淚灑三軍

麥田

逾旬未行幸雨稀鎮日愁今朝過清河夾路觀來牟都

無十里程豐歉殊不侔或黃而離離或綠而油油固失

向所望

二三月之間謂麥可獲十分豐收今因數日缺雨不無少減分數然較之常年則尚過之頗

慰近所憂十日設如期尚可增倍收旦晚盼雲興延佇
不少休

疊嶺重泉歌題董邦達所畫

是人胸中小廬霍董家亦有元和脚不經意處人難工
疊嶺重泉偶所作重泉貌得香爐間疊嶺亦似南嶽盤
置二名區未為隘合一全圖不覺難山東嗤浙派曾傳
楊契丹文筆今定誰巨擘雌黃無使輕譏彈浮圖高入
雲俯瞰危無底與客安心處指說雲門寺雲門寺外石磴

斜烟蘿古木紛膠拏飛流直下不計尺匯作明湖漾淺沙
沙痕石齒天然好野橋那畔茆齋小趺坐幽人獨靜參應
是忘機學莊老莊老豈可學寓意聊足樂漁人舉罾善求
魚羽士調笙將款鶴壯哉大觀真卓犖我與其間一揚榼

即事

麥雖虛望勝常年

北方春雨例屬艱致故麥收每歉農家亦不以此為重今春正二月間膏澤時

沛滿望十分收麥而四月內復缺雨麥收分數已減然較之向年猶為稍勝云邇日憂心在大田

稍幸新秧羣出土均需厚澤沛由天盼將潤漚泥無蚓迅

矣時光樹有蟬誰道清和堪暢志焦勞五內鎮如煎

山東青州諸郡得雨誌慰

山左昔被災數郡民流徙撫恤不遺力稍為補救耳所幸
天悔禍去歲兩收美元氣雖略復屢豐日以企邇聞麥復
佳額手為民喜封章更欣覽時雨需東鄙京畿頗望澤
愁焉愁無已遺遠夙所戒東望慰由彼恤近情之常旦
夕憂在此慰少憂實多投艱竟誰諉

戲題鷺鷥籠口號

鷺鷥聞道稱間客何事翻然入檻籠應悔稻粱初念錯
長教引領望雲空

德勝門外

五月初二日

駕言歷城隅薊門烟樹隱卓午避炎蒸輕輿趁薄晚先
節莫靜安經宿駐鹿苑情知未息塵於中有一忍暮雲
釀勢濃待澤心彌窘二麥已虛望禾黍綠芄吟一慰一
以懼三時日尚遠始寤當春初意寧毋過滿先事而卜
度無益轉有損

宿

雍和宮感成長律

躍龍邸第象筵施來往因緣每駐茲漫擬福田緣有為
藉非佛地更何宜盆榴宛復簪符節庭草猶然拜

訓時即我而今知愛子雲天仰睽邈含悲

晴

數問微陰傍晚曉晴愁中短夜似長更憫農頻歲吾雖慣
祇覺難紓此際情

靜安莊奠酒

酒添奠處心添痛

前歲去歲惟致奠 孝賢皇后今歲又添皇長子定安親王之戚足見余

懷矣痛淚杯盈共酒盈 母子東西曾不隔 別離今古若為

情 浴蘭酌艾風光近 銀蒜瓊蒲節物迎 況復麥田殷待澤 誰能強遣破愁城

午日漫題

渚蒲搖綠樹榴丹 畫舫飛雲度鏡瀾 懶聽韶莖緣待澤 強酬節物為承

歡又臨此日還簪艾更憶前塵罷浴蘭宛轉景光合追
賞年來偏覺感多端

河南收麥誌慰

豫省麥為秋麥收天下足邇聞小豐年額手慰心曲近
畿同向年失望徒眉蹙燕洛皆吾民一欣一以惡轉懼
需時日豈如邇多熟虛幸白占三實慙幕調六

詠規矩

為圓必以規為方斯以矩器殊用亦異此語聞之古何

人始巧就一物兩用可叶直引曲轉旋方圓隨意所適
便良有餘示義實無取穆命戒便辟聖傳歸質魯衲鑿
縱不入惡此機變侶或云傳西洋化外奚足數

詰

黑龍潭祈雨

三春雨惟時額手欽

天賜入夏望澤殷愁馬愁弗置二麥願已虛大田膏未
逮靈潭近御園

明神安福地向時常蒙佑今茲豈靳惠休徵有由召亦
惟馨化治布政實多闕祈澤徒增愧

董邦達松溪高士小幅

落落松吹謖謖風長溪流活遠岡崇神心會處真無悶
濯足伊誰定太冲

德勝門外即景

日臨北至景方中

殷祀清齋返法宮要聽鳴鳩呼夜雨却聞乾鵲噪炎風

碾飴茆舍成虛望
穉黍平疇幸尚佳
巫待甘霖真似渴
憑輿觸目動愁懷

林風徐颺薊門烟
底事云愁愁轉牽
竭憶前年奠觀德
便途經此每鳴鞭

夜雨

五月十四日

殷雷忽向夜分鳴
乍聽簷前作響聲
急雨待霑盈尺澤
妬風仍放半宵晴
久希稍潤應差勝
未足難安却轉縈
支枕無眠宮漏下
短更翻似最長更

重修

壽皇殿竣是日奉安

神御禮成述事六韻

有序

是殿向奉

皇祖

皇考神御為室僅三楹又方向不合規度乃命鳩工庀材量加修建中峯正午及門楹堂室一視

安佑宮之制較舊加鉅麗焉工既落成謹蠲仲夏之

望重安

神御於是歲時薦新永展孝思云

壽皇

聖祖興居久

先帝思

親展孝弘神御妥靈宋遺制衣冠原廟漢諸陵欽承有
繼馨香薦追遠長懷

陟降憑子午向山期必正規模合度量為增優聞愜見

千秋永景福鴻禧百世凝觀德皇皇惟是凜肯堂切切
詎斯能

夏至齋居

短晷圭臬直景風殿閣生致齋潔予志對時體物情攷
攷奉日德慄慄欽火行族雲已翦鬱膏雨將澍零祇期
苗待蘇那憐卉爭榮網軒崇以邃宜涼意氣清陰暘豈
遍及卻暑慙獨寧

山東獲麥

遠近皆吾民溥豐實切願勢有不能齊免歉斯為善齊
魯去歲佳閭閻氣已轉叶今復獲麥收南望誠欣忭左
顧畿輔間望澤徒增歎遠喜率易忘近愁例難判

題錢維城山水

林佇風虛常激楚溪穿石出欲浮空詩人體物難工處
往往逢之六法中

熱

寒暄悉天運闕一豈其可德暑固惟時恒暘茲亦頗蒸

炎日以烈釀雨每不果變調增抱慚問旦難安坐水官
晏眠波祝融怒炊火清禁尚畏燭况復窮簷那眷言顧
朱昊胡寧矜惠我

董邦達澹月寒林圖

脩閒澹月滿寒林林弄清風月弄陰應為邇來苦炎熱
撰成謀目愛秋心

夏至日恭祀

方澤六韻

金翼乘南陸黃裳饗

厚坤至哉欽順應時矣屆寧蕃祀典躬親奉神依陟降
存帛琮孚盂饗籩豆潔蘋蘩鼎霧輕初合山雲遠未屯
向時頻被

佑此際重希

恩

向春夏之交每逢不雨至
需足大田尚及有收今復值望

北郊前後
雨時故云

祀事禮成詣

暢春園問

安

法宮齋戒五朝餘

大祀親承返駕初
邇日炎風偏亢烈
肅趨

仙苑啟

興居

黍苗纔遍綠
疇間望澤心
殷民瘼關大異
去年經覽象

去年此際早
需甘雨郊原潤
漙今穉苗幸可待
時日然望澤正殷
候矣

跼蹐何以慰

慈顏

觀魚

觀魚偶會心屬詠識窮理水濶育鱗多善惡無不有

叶

解

善為鯉與鰮惡為鱣與鮎一般皆水族黑白從可覘

解二

鮎鱣好食魚鯉鰮不知避潛躍一湖中適以飼惡類

解三

惡類性戕賊亦知護其子曝鬣當日午他魚不敢過

解四

臨流坐石磯飼魚投剩飯噉喁紛齊來品格誰能辨

解五

善類自柔弱惡類多強梁奪據飽其腹掉尾而倡佯

解六

見此意不平擲石未即中本擬鋤其惡翻驚善者衆

解七

持網伺再來鰥鯉旋復至維彼鱣與鮎狡警乃遠去

叶解

物態幻難窮即小可喻大患而不通方幾何不為害

九解

驟雨

五月二十一日

驟雨剛三刻平田未一犁久乾潤亦好再沛澤仍傒差
幸消塵壒旋愁渙霽霓盼殷將渴望欣戚在雲霓

錢維城山水畫

是處合消閒林扉早閉關峰依雲蘊藉波激響潺湲俗
客何能到塵情儘可刪扁舟載野鶴奚往定孤山

喜雨詩

五月二十四日

晴久盼雲生矣愁散却既陰盼雨零零矣愁勢弱勢
壯冀時長巡檐自卜度片刻轉千慮憂心信如灼誰能
沃此心惟賴甘漿酌颯灑初入夜沛然忽大作列缺鞭
川后飛廉悔其惡傾盆解地甲倒井瀉天壑森沈達明
旦醞釀匝磅礴醫病更滌煩人予安心藥大田一以蘇
予將望秋獲不雨愁實亟雨足得無樂而復恐樂極朝
夕增惕若求言靳實益細故紛糾擢圖政期實濟小補

多遺略豈如旋轉力好生仰素篇一沛萬事和詎予能
調幕歲有喜雨詩足知予德薄

雨後御園即景

希霖彌月兩眉顰豈有閒心事幸巡仍此亭臺添美致
饒他花木長精神寄懷編簡方知趣極目林泉總絕塵
一趁晚涼閒放艇紅霞香度碧漣淪

三春早覺因循度半夏全教愁悶過幸得耕耘仍不誤
便因欣慰定如何蜩蟬飲露鳴深樹蚯蚓乘泥上淺莎

贏得情田滋雨後幾回步屨一吟哦

夜雨

雨足清宵暢穩眠半醒簷溜瀑聲懸聽餘寤寐俱安適
料得清淪溢甫田

種得芭蕉將聽雨夏來缺雨半枯焦
棼絲滴葉聲雖減也自清冷伴此宵

夜短徐聽覺夜長碧紗牕透縠衾涼
近畿甘澍纔霑足更復遐心憶保陽

詣

暢春園

皇太后宮問安

膏澤欣霑足仙蓬景倍佳心乎咨夏清慰矣識

慈懷波漲澄依岸花香靜繞階好占田野潤穡事

厘思齋

昆明湖上

儲澤疏流利下田宜晴鏡碧漾澄鮮唐堯漢武均垂蹟

川后天吳各得權湖達江兮因達海溟為秦也繼為燕
望霖半夏愁無那思一瀦之萬頃田

五月二十七日詣

黑龍潭謝雨是日復遇雨因成

謝雨仍逢雨占時尚及時迴蘇真荷澤昭應敢嫌遲底
慮衣衫濕貪看禾黍滋慰餘慙自問何事屢來茲

雨中遊大覺寺五首

大覺由來古上方心閒纔一禮空王天龍莫怪巾車晚

為待甘霖日未遑

昨日傳宣蘭若遊密雲風度雨絲稠便因跋馬山溪滑

罷獵還應學魏侯

雲中不見暘臺面

是寺山名

雨裡暘臺忽面前舉似山僧休

錯認饒他到點不關禪

禪家有到即不點點即不到之語

蒙茸澗葛濕煙霏幽處攀躋山鳥飛一霎雨晴渾不辨

濛濛惟覺潤霑衣

飛泉仍是去年聲小閣閒聽頓覺清却是山靈真解事

展圖忽放一天晴

題大覺寺憩雲軒

憩雲雲外賞真詮
花雨諸天霏四筵
山色雨晴無定畫
溪音高下不停絃
藉苔跂石觀魚樂
倚柏開籠任鶴便
歸轡鐘聲何處是
千峰翠隱半空烟

雨後

雨後山田生意多

貫平聲

珠幾寸綠婆娑
慰餘轉復思前

日設再遲遲將若何

題董邦達山水畫

山盤蘊藉谷含虛宜有幽人賦遂初林戶霏烟真入畫
水亭消夏合觀書底須叢桂方稱隱取適扁舟豈為漁
我是先憂不同道每因心賞契潛居

溪亭對雨

雲勢凝三日為霖渥且綿既霽差覺易均被始應全爽
入北窓美膏滋南畝鮮凭欄天水合何異泛蘭船

散漫復森蕭疎零亦密飄十分宜目送千里慰心翹靜

馥噴紅菱新聲入綠蕉繁憂一以釋書史足遊遨

雨餘

雨餘天色蔚藍深習習清風度竹林漏日雲容方散漫
漲溪水勢已森沉宜人新爽披堪愛利穡時暘喜不禁
眇澤轉闕為眇霽明叅無定是人心

再雨不妨晴亦好此心終是願晴多雖緣逐景知情改
究為勤農望歲和嘉樹籠陰金井潤野花泣露錦階羅
明朝屬詠宜何處蒹葭香山濯黛螺

浩歌行

不雨心愁得雨喜自審喜來曾未幾既霑又慮分過多
即遇快晴真慰爾雖云勤農心實篤亦識涵養吾未熟
浩歌浩歌適意恒少拂意恒多天時雨暘豈可必長年
蒿目將如何

題錢維城畫

面水背山茆屋低高人農隱遂幽棲連朝好雨溪田足
愛看新秧綠剡齊

青龍橋西

玉泉山北石橋西貪看風光遲馬蹄蘭坂生香朝露潤
柏巖蔚秀宿雲低遙看古剎紅牆隱近喜新秧綠毯齊
稍得繁憂消雨後觸懷藻思一吟題

經金山題句

有序

玉泉山北舊傳金山者明景帝陵在焉明樓寶城
之制全無圍牆碑亭已頽廢不全自圓明園幸香
山每經過之惻然興感因命所司略為修葺禁樵

採并成是作

尺布淮南自古傷南宮西內兩相當奉迎業未符興慶

割裂差惟勝靖康

帝既無奉迎意故時有引唐肅宗迎上皇儀者皆不行英宗至而居之南

內及英宗復辟廢帝為王遷之西內開墻之隙帝實有以召之而用于燕以守京師不為南渡之舉以全其宗

社者帝亦未始無功云

公主墳園隣薄厝

明史錄所營壽陵而葬帝於金山與跌瘍諸王

公主墳相屬

椽人墻穴詔深藏

西山舊有明季宦者冢墓多較此為富麗完固云

十

三陵尚輸華侈何況相仇肇閱墻

夏日靜宜園

山遊爽趁雨餘天
樹態峰姿盡洒然
兩月未來緣望澤
一時得意足忘筌
陽烏光射千林晃
牝壑流增百道懸
憑寄暢懷還惕息
持盈有志矢年年

玉華岫作

精舍香山麓遊睇遠近宜
新晴松籟颯暴漲石泉垂雲
外鶴呼侶峰邊鹿乳兒芸編
在棐几滌慮一繡披
乳竇雲漿注臯塗未散芬山
蟬聲欲競野草意含欣
北牖真延爽南風靜對薰
遙帷寒縱望金碧疊螺紋

靜室

靜室最高處雲收日光烜千里綠臯滋神心與俱遠

香山襍詠

山深本自無煩暑雨後兼之多爽風仍是靜宜遊眺處
會心每不與前同

樹隱山禽但聽聲間闕韻好不知名料應也與人心合
喜雨旋過又喜晴

步入林扉花藥蒼山泉曲折響清冷最高處有丹壺跡

曾見仙人讀道經

夏山已覺濃如滴重以浮雲翳蔚之雲外晴臯千頃綠
山邊雨脚萬條絲

萬幾那得有餘閒偷得餘閒對好山也為向來憂太甚
暫因泉石一怡顏

碧雲寺

精藍據層阜雁塔湧龍宮

是寺特建大石塔照西域金剛座式

表裏烟霞

蔚呼噓蒼巖通西峰圍列嶂北澗掛長虹累榭憑欄處

田盤指顧中

賜健銳雲梯營軍士食即席得句

有序

朕於寶勝寺旁造室廬以居雲梯軍士命之曰健
銳雲梯營室成居定茲臨香山之便因賜以食是
營皆去歲金川成功之旅適金川降虜及臨陣俘
番習工築者數人令附居營側是日并列衆末俾
預惠焉

猶憶前冬月雲梯始習諸

戊辰冬月有香山閱雲梯兵之作

功成事師

古戈止衆寧居實勝招提側華筵快霽初餽餘何必惜
可以逮豚魚

番築碣

番築碣築碣不在桃關之外乃在實勝寺側西山椒狼
卡稽顙歸王化網開三面仁恩昭叔孫名子不忘武攸
飛早已旋星軺俘來醜虜習故業叩籠令築拔地高昔
也禦我護其命令也歸我効其勞番築碣不惟効勞爾
乃忘其勞雕結環耳面顙嶮嗜酒喜肉甘羶臊但得酒

肉一醉飽渾忘已朗卡撒其故巢其婦工作勝丈夫粉
不能白瓦且么不藉繩墨與規矩能為百尺森岩堯番
築碣侏離番語為番謠揚聲強半不可曉大都慕義懷
恩膏亦不為汝慕義懷恩膏我自兩階文德舞戚旌偶
肖汝製役汝曹賚汝金錢為錦袍

有鹿五章章四句

有鹿有麀於原之隰既圻既副不能卒起立
有鹿有麀於隰之革旋起踉蹌見人兀不驚

鹿匪不驚為顧其子子始學步不能遠去

叶

麋始離懷知親其母

叶

舐之觸之以煦以乳

詩何云乎以興以觀阮藉猖狂有警世言

曉遊寶珠洞

夏夜不厭涼暑雨不厭晴明發遊照園披衣見疎星危
石咽亂泉清露零繁英未聞鳥雀喧而多花草馨初陽
出東海射我西嶺明西嶺列園後迤邐啓雲扃下瞰嵐
氛色上接顥元精乘六龍御天壯哉俯帝京上方落鐘

梵古剎輝丹青騁望無邊際綠野亘蔥菁迴思望雨憂
憂已樂轉生憂樂每循環誰能靜六情


香界寺三首

延緣棧路到花宮小憩精廬松下風却望寶珠憑眺處
虛無疑在白雲中

絕頂雨餘寒似峭中盤夏靜暑無侵山僧公案何須問
暫坐匡牀熱水沈

雲嵐蒼翠自重重石澗鳴泉界古松却見松邊刷羽鶴

王喬緱嶺亦曾逢



御製詩二集卷十八

欽定四庫全書

集部

御製詩二集卷十九

十九

詳校官尚書臣德保

助教臣常循覆勘

總校官原任臣允臣王燕緒

校對官助教臣蔡鎮

謄錄監生臣段文新

欽定四庫全書

御製詩二集卷十九

古今體一百九首

庚午六

夏日瀛臺

雨足旋清禁，詰旦將視朝。勤政敢刻懈，典禮期時昭。取
便憩瀛臺，波光漾綺寮。漲添魚鳥樂，地靜松柏喬。圖雲
延閣迥，却暑涼風招。補桐已森翠，團陰覆芳翹。夏日讀
書處，景光昔匪遙。

自高梁橋泛舟過萬壽寺至昆明湖之作

夾岸輕籠綠柳陰
進舟川路霽烟沈
有時送響新蟬急
無礙沿洄漲水深
古寺小年付僧領
西山秀色待人尋
近耽湖上風光好
雨後空明儘暢吟

招隱詩

昔人此作欲招隱者而去
予是什欲招隱者而來
且以崇實去文亦可謂之反招隱
而非同康琚寓意云爾

招隱有成例束帛蒲輪徵其實多難副欲隱乃炫名吁
嘻更甚者復以充隱稱世變風愈下矯託非人情所以
安車求不聞在虞廷股肱佐元首喜起歌載賡我欲闢
四門天衢坦蕩平拒人曷其可曲已有不能庶幾兩不
失冀得真俊英錯薪之子思肥遯幽人貞富貴圖誠小
致澤量應宏待賈韞匱答末難荷蕢征苟其有耽心朝
野何殊程

荷

弄影真宜太夜中
羣葩管領望薰風
裁瓊作蓋辟塵綠
曳綺為裳却艷紅
靜與心謀寧有色
香生鼻觀亦無空
水亭晝永延清爽
景會依前興不同

熱

不雨畏炎熱
稊苗恐難支
雨足熱亦得
德暑惟其宜
黍田普霑潤
所藉暘以時
身燠心則適
較前情頓移
宗軒况延涼
八面來輕颺
南畝力耕者
灼背渠寧辭

泛月

心怡覺景好行樂瞻蟾河薄暮斂霽霞入夕含烟波煩
暑蘭塘消輕涼葛衫多奏響岸依竹送香舟度荷寄懷
屬月鏡延詠欣星羅

夜雨

半睡窻前夜雨稠微涼枕上颯如秋芭蕉也覺添清響
迺日森森綠玉抽

點滴簷聲濕砌苔滌炎六月正時哉繁憂早釋清無寐
一晌閒心憶向來

詣靜安莊酌酒

先皇后仙逝頻經二十七閱月茲以皇子等釋服之
期親臨致祭感星霜之迅邁思窈窕以難追一瞬
驚心五言誌痛

舊恨千秋永新昌兩度妍望幃神黯爾舉爵淚潸然兒
輩臨祥禪予心警歲年重緒孫楚什不忍讀終篇

喜晴

霖雨頻渥霑黍稻均怒長時若正宜暘邇日晴未放

叶

永定遭漫溢賑救不惜帑築隄始安瀾南望縈愁想凝
雲漸露空朱日旋騰朗豁然天宇開吾心與俱廣

晏坐

處士小年真放達朝臣退食亦委蛇今朝事簡休閒早
晏坐於心稍自怡

時哉行

時哉時哉一瞬不住源源而來苒苒而去去者不可追
來者詎能駐三萬六千場瞥眼如茲度欲肆志及時以

行樂志既不可肆樂亦安能久達者遁跡於山水放者
寄情於詩酒二者又難適從茫乎吾誰與同兢兢舜
業業孔皇皇叶是吾師也猶不免吾敢希將慙慙遣

恭奉

皇太后御園賞荷之作

快靄林塘景倍嘉斑龍

王母降仙車冰盤玉潤千年果鑑水霞蒸五沃花稍幸

雨暘符肅乂得陪

色笑賞芳華
雙成雲裏休
疑顧暫借西池北
作家

黃葛篇

種葛生黃葛
綿綿花蔓活
美人手把金
錯刀露裏珠
光向烟割採
之緝之為絺
給裁作生衣
暑難奪絺絺
雖嘉所值無
多禦暑則可
禦寒則那魏
徵不願為龍
逢比干而願
為稷契臯夔
亦將有所懼
乎抑亦未之
思

聞蛩

六月十九日

振羽聽莎雞
夜涼風露淒
不須聞繼響
一響百情淒

移竹

三庚好移竹千竿輦脩玉過雨潤到心延風清滿目踈
稱倚窻前密合圍水曲蒔矮近高阜列長傍低澳位置
各有宜片時盡得之量材以官人曷其異於斯竹易人
則難吁嗟乎吾思

漁陽槁

漢陽天地蘊奇處往往卓犖出豪英蹀躞鼓史纔三槁
至今逢逢聞其聲傷哉鸚鵡遭網羅得無招忌輩盛名

黃祖固褊急曹瞞實俊者於晉稱良史書盾穿乃舍

喜晴

望雨纔過旋望晴休徵艱致意怍怍愁懷幸共膩雲散
清興端隨爽氣生近傍林亭尋嘯咏遙看黍稌利耘耕
階前花鳥爭暄景今日迎人總暢情

文徵明墨梅

貞白是本性丰姿有別調不可作梅觀停雲自寫照

日影

膩雲韜曦輪浩蕩無開期祝融疾太甚借得西風吹
靈霽盡標去纖絮不留遺朱鳥翩然翔拂我若木枝
晃朗騰清暉森颯含爽颺祛溽解蒸濕宜暘利耘耔
上階花影新北陸旋南移累榭迥且敞八面窻琉璃
讀書道趣生對景佳興來叶夏日故可畏正有可愛時

題王穀祥水仙圖

澹染檀煙薄著綃泉清石白間飄蕭暗香疎影何
輸遜雅蒜天蔥太琢雕

生秋庭作

虛庭景色颯含金
皎日清風拂竹林
襍卉晞暘爭舊約
喬柯得蔭亦森沉
鑑池朗印塵俱淨
畫壁周遮興可尋
今日生秋閒屬詠
平添爾許向秋心

和杜甫遣興五首

首句皆仍其
舊而意自別

天用莫如龍用吉
見无首變化故莫測
神功在不受憑
雲乃自為櫻鱗
亦何有豫且得制之
是宜慎所守

地用莫如馬水行
不如舟物各有所長
乖宜失良謀而

况鮮伯樂鹽車老死休舉肥肉脹羣常裝金絡頭

陶潛避俗翁避俗亦避世紫桑樂無悶自著桃源記肩

輿命二子偶顧亦何害叶杜陵忠厚人箇翁乃深刺

賀公雅吳語老大故鄉迴兒童不相識問客何處來可

以喻宦况浮雲何係哉山陰泉石佳濁醪常滿杯

吾憐孟浩然盖亦一作者君固未已棄已則覺君含浩

蕩襄漢間曲高和者寡幸有同心人清辭譽風雅

青龍橋

青龍橋北落漲痕青龍橋西蒨綠原黍高稻下皆怒長
暑雨快霽晞朝暾交風懷新豈易致經予旦夕縈愁煩
年來大田幸有獲酬以慰慶西成間即今消息復可冀
還靳雨暘時寒暄

夏日香山

蘿逕闢雲關幾餘偶趁閒來消三伏暑坐對一房山籟
度松梢謾流經澗曲潺此時心應去聲適陡復憶民艱
此熱不可少山中爽亦多延風開北戶對景秩南訛呼

侶禽窺樹携兒鹿度坡還憐夏畦者勞瘁復如何

雨香館

山齋尚樸綠天叢虛受延涼面面風書案墨林千嶂外
犁雲鋤雨一窓中峰含畫意似懸軸澗有琴音不藉桐
頗識山深秋信早倒崖楓葉兩三紅

致仕侍郎沈德潛具摺請安并錄進詩文稿賦此
賜之

興居封事寄南雲快讀新詩益慰欣起我七言還借爾

嘉鄉一念不忘君

德潛今歲尚杖策登黃山

綠野

林泉咏更芬為語餘年勤愛護來春共會共論文

山雲

山雲空入凌雲戶
拂拂涼絲度山雨
最高樓閣出雲表
變幻須臾迷處所
下視村落紛林莽
座側飛雲覆平楚
彼有人焉望此間
應訝雲中見爾許
妙哉奇景真曠觀
却愁下土商羊舞

望晴

喜晴纔六日愁霖復連朝憶昨從香山夾路看良苗便
雨未為害况復滋新蕎云何腸展轉不解予煩焦所慮
在永定漫隄築未牢此時不放晴盛漲何時消哀哉固
邑民風雨所漂搖賑卹詔屢頒補救心頻勞萬戶苟失
安九重豈足驕晚來西北風浮雲碎欲飄簷喜乾鵲鳴
池斂官蛙囀宜暘願及時南望心神翹

七月朔日作

靈景騰清曜

皓天符金行仰睇浮雲破廓然放午晴好風西北來襟

袖一以清愁霖見日影頓覺慰快并今年節候遲秋餘

七日程

是月七日立秋

孟朔應嘉占吾將盼西成

昨夜積霖暴展轉愁不寐應為丰年判洗我煩憂萃

今年

自春徂夏常覺煩勞

曰无往不復吾聞之周易

叶

新秋纔上日便

得逢開霽豐隆尚留戀積重有餘勢徐散歸其岫遙峰

已森翠傍晚蟬聲亮

蒼旻舒爽氣瞻望益屏營宜暘仰

鴻賜

護

葉抽蔥綠辨煩黃
牆角含風艷露光
鶯下林窺疑借色
蝶飛叢出不需香
義傳爾雅誰家疏
詩詠衛風第幾章
我自先憂憂憤者
縱教樹背那能忘

銀漢

銀漢欲斜傾
秋宵色倍明
浪傳西蜀到
不共海潮盈
玉斗萍疎點
金風浪細生
黃姑相望處
幽恨未能平

熱

祝融餘景逼蒸燄煽炎威仰視浮雲斂朱鳥騰晶輝大
地既沮澤滄暑茲其時燠亦豈可無所慮雲復滋傍晚
轉淨散幾縷明霞披憂懷始少間額手感無私此後倘
宜暘西成庶可期憂喜摠因民匪為一已謀叶視民厘
如傷文王實我師

泊舟乘涼

雲斂長空碧宇蒼泊舟磯畔試乘涼風來水面含新爽

樹張

去聲

清陰送夕陽

金風徐拂綠楊條暑氣能餘幾日驕略得心怡憂轉繼
渾河曾否漲痕消

菱花淨拭木蘭牀一刻能消一日炎秋意今朝知幾許
素娥纔掃半眉纖

西北風

昨昞西北風時作時復止今朝乃暢然吹萬勢未已帶
雲向難開破碎剎幾縷

叶

應律奏金音驅暑含爽氣

叶

皎日騰清暉，溽燄一以洗。雄風詎獨予，快意逮閭里。宜
暘利大田，送馥暨雜蕊。春時望一稔，頗怨驅雲去。叶及
恐霖為灾，驅雲仍賴此。鳴條本無心，習習何憂喜。

新秋討源書屋

書屋俯清流，金風潦水收。庚餘三伏末，霽快一天秋。蓼
影澄瀾漾，花香曉露浮。啓編心始獲，為解憫農憂。

秋英十詠

秋蘭

三時不比此時馨紉佩沅湘合擅靈寓意騷人吟不盡
秋蘭終古只青青

玉簪

砌頭牆角自婆娑瑟瑟金風清馥過底事月明難辨色
盛鬋斜墮自嫦娥

金錢

應嗤榆莢欠風流後郭圓成買斷秋王衍便教嫌阿堵
可能對此不迴眸

雞冠

濃艷當秋別作春
籠煙泣露自精神
笑他絳幘標名字
茅店何曾解報晨

鳳仙

昂藏態發色離披
引蝶潛蛩兩不知
萋萋梧枝團蔭處
應教比物入周詩

秋葵

聞道秋葵解向陽
緣階何限仰陽光
若非普照無私德

朶朶分光也太忙

牽牛

夏町春田力作過籬邊
閒喘月涼多此花應是黃姑種
為到秋來早度河

白蘋

淶水汀洲演漾秋
西風波面任飄流
誰知點點星星裏
千古騷人寓盡愁

紅蓼

那論深紅更淺紅水濱吹老鯉魚風汀荷敗綠江蘋白
著點容華媚鏡空

蘆花

采蒼沙岸漾風淪合著孤舟理釣綸愁煞杜陵蘿月下
相看一例白頭人

題錢維城山水

峯為師子蹲瀑是鴻龍舞設匪梅檀林定擬瓊瑤圃結
宇卜幽棲伊人真得所

晚晴落照

湘雲徂已弱金風吹正健白帝肅車輿預日先傳信

日明

立秋

下春朗西山明霞色殷綵輝天爭日麗瑩波延月印

蟬噪綠梧高蝶翅紫蘭噴宜暘旣愜懷樂賞秋光嫩

七月七日立秋

秋色復秋聲人人秋意生剛傳新爽入便喜普天晴白
帝誠知節黃姑若遣情晚來仍渡漢露重一鉤明

古別離

古別離乃有天上牽牛織女星分岐至今八萬六千會
後會滔滔無止期可憐一會饒一日其餘無央數日何
以消愁思古別離天上猶如此人間可例推設使無會
晤安用苦別離古別離長吁嘻

董邦達谿山清曉圖

天澹雲間今古情新圖即景益分明爽澄蘭沼波吹細
風度松林籟泛輕白帝精神昨夜入虛堂颯沓此時生
四家六法何須論略略當前妙趣呈

詣靜安莊奠酒

恭奉

皇太后懿旨以中宮久虛宜行冊封之禮歲月既易吉

慶筵臨勉遵

慈諭益瞻

芳蹤將頒明詔奠以申懷

駕車邈仙踪彤管垂思媚齊眉予夙願續絃誰所致上

以奉

慈寧卞以率九位惟此蘋繁重義不容虛置十行并頒
詔百感紛縈思彷彿鳳幃前翻然來相慰

新秋瀛臺

新秋問景駐瀛臺
霽宇澄空鏡影開
襟卉環階偏得意
却從何許度愁來

玉泉山曉秋攬景

誰道秋光易感悲
秋光亦有助歡時
風疏密樹心俱爽
雲淡高空意與遲
勒壁詩情覘歲月
環階水態淨襟期

山齋小憩方成句又報花間晝漏移

心遠閣作

香山未卜居看山時到此靜宜既成園靜明希戾止喜
新而厭舊俗情我胡爾今來忽曉秋快晴風日美憶我
通年間愁多罕遇喜一晌值清閒肯孤名山水拈毫覓
舊題蒙茸蘿霧裡

禱和唐元稹東川詩四首

有序

偶閱微之詩集見東川諸作喜其辭高而意遠微

之自序為白行簡手寫者三十二章而自錄者惟
七言二體凡二十二首夫詩人騷客憂愁幽思遭
際患難貧賤發為葩辭以舒其憤懣故其詩樂者
讀之而可歌悲者讀之而可泣也予則何有焉然
結習所在正復難忘襍和四章聊適一眇

亞枝紅

百花都解亞枝紅獨許緋桃占化工
桃葉成陰臨碧渚渚花紅尚傲西風

江花落

臨水秋花水面荷西風颯沓落英多歸著處同生處異
不曾分別碧江波

好時節

春末夏初三尺雨暑闌涼早十天晴似茲時節真稱好
每望難逢意轉忼

夜深行

夜深猶自繞階行不是徵歌及選聲十五年來惟一意

晴多期雨雨期晴

泛月

夜夜素華流嫦娥應愛秋冰光寒不濕鏡影注還浮荷
度遠香細蛩添暗響稠中年情味別對此喜兼愁

中元日御園放河燈

恰惜秋湖見敗蘂金蓮萬朵霎時舒漂風不謝光無定
奪月常浮艷有餘梵唄盂蘭初夜舉中元燈火二年踈

前歲有孝賢皇后之事去歲於避暑山
莊度中元節御園未放河燈者蓋二年矣
陡思避暑山

莊景詩稿重看隔歲書

題董邦達山水卷

浮嵐暖翠

嵐烟浮動翠屏橫山水之間寄逸情童子抱琴閒覓句
風流活脫謝宣城

秋水蘆村

藤蘿石上月含涼秋水長天渺茫宛在伊人何處是
蘆葭采采復蒼蒼

遣興放言

一言而喜一言怒斯人未與道為俱無端而憂無端樂
斯人未與天為徒趙北水灾洛南熟一時披覽郵傳書
喜在彼兮憂在此俄頃意改何居乎况乃昨近望晴切
偶見雲縷生嗟吁金風奏爽清暉懸對景不覺雙眉舒
安能長得雙眉舒樂天下之樂者憂天下之憂叶嗚呼
此憂兮孰能解予

題錢維城生秋畫卷

颯颯梧桐爽籟吹雲間天淡早秋時歐陽有觸曾成賦
宋玉無端獨解悲荻穗白初含退潦蓼花紅尚戀明漪
生秋庭畔披新卷今昔關情有所思

霧

金行宜肅爽胡然雲屢作滄暑究已退晚每殷霞脚予
意慮蒸霖有礙南畝獲嘉種近西成秋陽望時暴今朝
喜薄霧兆晴氛漸霽卓午果朗然清輝懸煜燭金風忽
颯沓郢氣已澄廓公超術信靈豐隆勢已弱慰意對高

秋屬吟寄所託

桂

露重檻風涼迎階綠間黃中

去聲

秋先報節隔歲入吟章

塞外行圍率隔歲一舉是花木至塞外故云

一例臯塗種偏依楚畹芳誰曾

到蟾窟此處滿天香

晴

小雨便開晴真教暢快生高秋森爽氣新穀兆西成暑
退濃陰轉雲徂遠黛橫昨來愁致澇今始稍紓情

題董邦達山水十六幅

幽谿獨眺

散步廻谿上，谿烟豁遠眸。
妙機窮不盡，底用上高樓。

松竹雙清

高社結雙清，山旁水之溪。
問誰乃宜茲，大夫與君子。

池亭清暑

心淨能清暑，曾聞白樂天。
疏軒閒筆硯，池上早成篇。

樹杪飛泉

疎樹不成林無風自靜深飛流間作響譜入伯牙琴

登江泛艇

葉下洞庭波拏舟風月多不知兀坐者所寄得於何

虛亭秀色

一亭及一峯足占無邊秀何須論尺絹盤礴勞結構

秋嵐霜葉

錦林扶翠嶂詩意與秋高紫微已絕詣何必更拈毫

寒林策蹇

詩人慣得句畫客漫成圖彷彿襄陽孟尋梅興不孤

高崖傑閣

飛閣構層巒其下臨無地今朝趁少閒結攬江天意

雲際濤聲

溪聲在松下濤聲在松上高人如太冲軒軒逸興放

夏山初雨

是處畫雲山皆云大小米試問海岳前有景誰傳是

扁舟載菊

懸崖如赤壁短棹泛秋湖著箇瓶簪菊防人道擬蘇
林徑攜筇

林徑喜秋晴攜筇步履行江淹如擬古興在謝宣城
秋樹含暉

丹楓四五枝白石三兩片秋日朗朝暉晶熒含峭蒨
谿閣閒凭

虛閣誰家子凭欄俯碧流喜者見謂喜愁者見謂愁

疎樹遙村

霜柯不礙目寒村見茅屋欲去訪幽人坡陀凡幾曲

仲秋瀛臺

仙家樓閣迴宜秋瀛海瑤山翠欲流風月清華嬴四季
水天朗澈繞三洲露浮金掌涼初動雨過銀河暑盡收
塵世景光難入詠崇情只擬廣寒遊

白玉杯

出璞色如脂成杯圓中規琢磨工有緒古樸製無奇堅
白誰騰說廉貞我欲師流霞曾不泛禹訓已昭垂

承光殿即景

金源喬木蔭松槐簇就團圞七寶臺太夜秋風窻裡挹
西山顥氣座間來墨壺琴薦俱堪撫閣漏階籤且漫催
馥郁天香飄桂子此花雅合月中栽

齋居

齋居值仲秋

方壇臨次祭闔闔秩金蘿豐歉籌農計西成定大局二
誦猶中歲春早夏繼澇此獲實意外叶宵旰慰憫憂慙

惶惑

明賜瑞玉將報

祝靈鼓方調氣今秋已云徂來年願如意

題李世倬山水卷

薜砌新秋有落桐
紗幮却暑尚耽風
石欄干外明漪皺
猶見殘荷著意紅

玉枕

素樸獨無文龜茲製出羣
何人真截玉

白居易詩角枕截寒玉
高

士可眠雲漫作邯鄲想誠堪翡翠焚淮南傳秘訣曾以
不聞聞

題李勉玉泉琴

王孫位將相侃侃持正議榮顯非所耽自號幽清士

叶

平生善鼓琴雅尚還自製范銅成茲器歲月猶親誌

池

刻唐肅宗丙申年月有八日咸陽樂
幽清士李勉捐俸鑄造廿有二字

置絃一攬醒玉泉

聲尚沸因憶響泉磬豐劍今何寄重人匪重物望古興

遐思

新月

急就西移為轉東情知數轉使應中素娥盼節興心別
詩客眠空不語同半魄旋飛榆樹杪微香已度桂花叢
露涼風靜雕欄畔小立依然箇影隴

鄒一桂秋英卷

派接徐黃江左鄒寒英設色足風流紛開木本及草本
底論深秋與淺秋蝶欲黃而猶待染葉將紅者未曾收
玉欄金井休開展猶恐霏烟露欲留

尚書蔣溥奏進所刻御製詩集書此誌懷

伊余有結習對時耽屬詠賦詩何必多杜老言誠正况
乎居九五所貴行實政享帚虞舛缺綜錄予所命

自丙辰迄

丁卯所作詩已積有四千餘首上年曾命翰林中書等分卷繕寫

殺青匪素志既成姑

亦聽裒然宛成帙十二年言行其間憫農切今昔頗可
証治未臻唐虞志徒希賢聖他年諷茲什慙否復難定
董邦達楓溪觀瀑圖

從心不踰矩得意可忘筌堪識此圖妙休將六法詮高

人宛濠上飛瀑自雲巔楓葉落英似武陵然否然

萬壽日題

有序

庚午八月十三日為朕四十壽辰廷臣以慶賀筵宴為請者緊弗許并降旨禁各督撫朝謁然

慈寧行禮正殿受賀與夫乾清家宴例不可缺頃因遵奉

懿旨繼冊中宮嘉慶淳臻禮儀既具邈然憶向豈忍諸懷且左顧九列都無與朕齊年者矣因用杜甫藍

田九日之韻漫題近體聊亦寓意云爾

淨斂絳雲碧宇寬
宜暘嘉與物皆歡
中宮初正名偕位
萬壽齊朝衣與冠
有憶那忘桃月節
無言閒倚桂風寒
晚來家慶乾清宴
覲眼三年此重看

古玉卮

峯山良種瑕不匿
磬口徑圓逾周尺
古人之器君子德
千年煥發光而澤
緣底細纈流霞色
青蓮醉此三百石
貯之溫室雄虹射
六清醴齊浮未得
旨酒有戒古訓式

題蘇軾書金剛經卷

礦窟炎洲善比形

軾自識有人鑿山取銀礦至深處聞有人誦經聲發之得一人云吾亦取

礦者以窟壞不能出平生誦金剛經自隨每有飢渴即若有人自腋下以餅餌遺之殆此經變現云云無

聊聊復寫金經三乘總出胸前七四句全提舌本青宿
世由來原佛子齊諧奚事說奎星燒猪佛印相勤請一
笑遺之換醪醕

中秋日即景

雨過晴空爽氣深興豪酬景一登臨自來都識團圓節

此際頻增今昔心
寶月光生滄海上
金風香在桂花陰
宜秋帖子當年咏
舊緒含毫香莫尋

題倪瓚設色水竹居圖

疎林淡墨倪迂法
寶笈常收紀有詩
設色蒼然宜水竹
雄渾筆合薄黃癡

王蒙秋山草堂圖

靜看黃鶴山樵畫
神蘊錦里高人詩
兩行秋樹紅復綠
獨拔中峰參且差
意行水宿皆適性
谷粒坊芹可樂飢

茅簷把卷何為者此間奚必重題詞

御製詩二集卷十九